

CIRCULAR 2/2026 – INSTRUCCIÓN PROCEDUREMTO VOTO POR CORREO

Data: 1/4/2026

O voto por correo está regulado no artigo 44 e seguintes do Decreto 16/2018, do 15 de febreiro, segundo a redacción establecida polo Decreto 171/2021, do 23 de decembro, polo que se modifica o Decreto 16/2018, do 15 de febreiro, polo que se establecen as bases e os criterios para a elaboración dos regulamentos electorais que deben rexer a realización dos procesos electorais nas federacións deportivas galegas (DOG nº 249 do 29 de decembro de 2021). Poderá exercer o voto por correo nas votacións, que cada catro anos se convoquen para a elección de membros da asemblea xeral. O voto presencial prevalecerá sobre o emitido por correo no caso de concorrencia de ambos.

1.- Quen pode exercer o voto por correo:

As persoas electoras a membros da asemblea xeral das federacións deportivas galegas.

1.1.- Poderán ser persoas electoras e elixibles a membros da asemblea xeral:

a) Nos estamentos constituídos por persoas deportistas, persoas que ostenten a condición de xuíces/árbitros, e técnicos/adestradores/as, as persoas que reúnan os seguintes requisitos:

1º Ser maior de idade na data de celebración das votacións.

2º Ter licenza federativa en vigor pola correspondente federación deportiva galega na data de convocatoria das eleccións e as dúas tempadas anteriores á da celebración das eleccións.

3º Ter participado nas dúas tempadas anteriores á de celebración das eleccións nunha competición deportiva oficial celebrada en cada tempada. Este requisito non será esixido para o caso das persoas que ostenten a condición de xuíces e árbitros. No caso de que, por causa de forza maior, non se tivesen realizado competicións deportivas oficiais no período indicado anteriormente, abondará con ter participado nunha competición deportiva oficial na tempada do último calendario oficial desenvolvido.

4º Nas modalidades ou especialidades deportivas en que a actividade deportiva non ten carácter competitivo, será suficiente con ser maior de idade na data de celebración das votacións e ter licenza federativa en vigor pola correspondente federación deportiva galega na data de convocatoria das eleccións e desde xaneiro do ano anterior ao da celebración das eleccións.

Ademais dos anteriores requisitos, comúns para ser elector e elixible, constitúe requisito específico de elixibilidade nestes estamentos que se trate de persoas que non estean inhabilitadas para ocupar cargos directivos ou de representación no ámbito deportivo por resolución firme na vía administrativa ditada polo órgano disciplinario competente, nin estar inhabilitadas para o desempeño de cargo público ou de representación por sentenza xudicial firme.

b) No estamento de entidades deportivas, as entidades que reúnan os seguintes requisitos:

1º Inscripción desde o mes de xaneiro dos dous anos anteriores ao de celebración das eleccións na federación correspondente e no Rexistro de Entidades Deportivas de Galicia.

2º Participación desde o mes de xaneiro dos dous anos anteriores ao de celebración das eleccións, alomenos, nunha competición deportiva oficial por cada tempada. No caso de que, por causa de forza

SECRETARÍA XERAL PARA O DEPORTE

CONSELLERÍA DE PRESIDENCIA XUSTIZA E DEPORTES

Rúa Madrid, 2-4, 2º andar. 15781 Santiago de Compostela

T 881 996 358

eleccionesfederaciones2026.deporte@xunta.gal

maior, non se tivesen realizado competicións deportivas oficiais no período indicado anteriormente, abondará con ter participado nunha competición deportiva oficial na tempada do último calendario oficial desenvolvido.

Ademais dos anteriores requisitos, comúns para ser elector e elixible, non serán elixibles as entidades deportivas filiais ou dependentes que teñan esta consideración segundo os estatutos ou normas da federación correspondente. A efectos electorais equipararanse a estas entidades as que, a pesar de ter estruturas independentes, compartan ao menos un 50% das súas licenzas.

1.2.- Para os efectos do número anterior entenderase como competición deportiva oficial a incluída como tal no calendario oficial da respectiva federación deportiva de Galicia ou a así cualificada polo órgano superior da Administración autonómica competente en materia de deporte. Tamén terán esta consideración as competicións estatais e internacionais oficiais da respectiva federación española ou internacional ás cales a federación deportiva galega estea adscrita.

1.3.- As persoas membros de cada federación que pertencen a dous ou máis estamentos ou a dúas ou máis especialidades deportivas, deberán optar por unha delas mediante escrito dirixido á xunta electoral, que deberá cursarse no período de reclamacións ao censo provisional. O regulamento electoral deberá especificar os criterios para identificar as persoas electoras nun único estamento no caso de non exercerse a opción individual.

1.4.- Poderán ter a condición de elixibles aquelas persoas físicas e xurídicas que atopándose sancionadas por un procedemento disciplinario deportivo, a sanción non comporte a inhabilitación da condición de elixibles.

1.5.- Para os efectos deste procedemento, a licenza federativa única expedida por unha federación galega terá a mesma validez que a licenza federativa galega. No caso de persoas electoras que, cumprindo os requisitos establecidos anteriormente, dispoñan dunha licenza federativa única expedida por unha federación distinta dunha galega, deberán solicitar por escrito, dirixido á xunta electoral, a súa intención de participar no proceso electoral no prazo de dez días naturais a contar desde o día seguinte á data de exposición do censo electoral inicial no taboleiro de anuncios da federación e nas súas delegacións, así como na paxina web da federación nunha sección denominada «procesos electorais».

2.- As persoas electoras poderán exercer o seu dereito de voto por correo de acordo co seguinte procedemento:

2.1. Presentación das solicitudes de voto por correo.

- **Prazo:** a partir do día seguinte ao da convocatoria das eleccións e ata cinco días hábiles despois da publicación do censo definitivo.

- **Presentación electrónica da solicitude:** a través do formulario normalizado dispoñible na sede electrónica da Xunta de Galicia, <https://sede.xunta.gal>, dirixida ao órgano superior da Administración autonómica competente en materia de deporte, conforme ao modelo do anexo II (código do procedemento DE200A).

A **presentación electrónica será obrigatoria** para as entidades deportivas e outras persoas electoras que estean obrigadas a relacionarse electronicamente coa Administración. No caso de que algunha das persoas interesadas obrigadas á presentación electrónica presente a súa solicitude presencialmente, requiriráselle para que a emende a través da súa presentación electrónica. Para estes efectos, considerarase como data de presentación da solicitude aquela na que fose realizada a emenda.

Para a presentación electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia incluído o sistema de usuario e clave Chave365.

No caso das **persoas xurídicas**, deberá solicitar o voto por correo a persoas que aparezan no censo como representante.

- **Persoas non obrigadas a presentación electrónica das solicitudes:** opcionalmente poderán presentalas nos servizos provinciais do órgano superior da Administración autonómica competente en materia de deporte ou en calquera dos lugares e rexistros previstos na normativa reguladora do procedemento administrativo común, utilizando o formulario normalizado dispoñible na sede electrónica da Xunta de Galicia.

- **Representación das persoas físicas para a solicitude do voto por correo:** Entenderase acreditada a representación realizada mediante **apoderamento apud acta efectuada por comparecencia persoal ou comparecencia electrónica na sede electrónica**. O Decreto 52/2021, do 18 de marzo, polo que se regula o Rexistro Electrónico Xeral de Apoderamentos de Galicia, establece os procedementos para rexistralos. Así, o procedemento con código PR005C, permite realizar un PODER PARA QUE A PERSONA APODERADA POIDA ACTUAR EN NOME DA PERSONA APODERANTE UNICAMENTE PARA OS TRÁMITES ESPECIFICADOS, isto é, para o procedemento DE200A. A falta ou insuficiente acreditación da representación non impedirá que se teña por realizado o acto de que se trate, sempre que se achegue ou se emende o defecto dentro do prazo de dez días que concederá a Secretaría Xeral para o Deporte para o efecto.

2.2. Recepción da solicitude pola Administración deportiva.

A Administración deportiva comprobará a inscrición da persoa solicitante no censo electoral, e **enviaralle por correo certificado os sobres electorais e as papeletas de todas as candidaturas**, así como a documentación necesaria, ao domicilio indicado na súa solicitude ou, na súa falta, ao que figure no censo.

2.3. Introducción da papeleta do voto.

A persoa electora introducirá a papeleta no sobre de votación do estamento e, se é o caso, especialidade deportiva e circunscrición á que pertenza.

Posteriormente, este sobre introducirase dentro do que vai dirixido á mesa electoral do voto por correo, xunto coa fotocopia do DNI ou documento identificativo equivalente, e do certificado achegado pola Secretaría Xeral para o Deporte acreditativo de que pode exercer o dereito ao voto.

2.4. Envío do voto.

O envío deberá realizarse, nalgunha oficina de Correos, antes do sexto día hábil previo á data de celebración das eleccións, e deberá dirixirse ao enderezo do órgano superior da Administración autonómica competente en materia de deporte, que custodiará a documentación ata o día da votación.

- Prazo límite para recibir os votos por correo: o prazo finalizará 24 horas antes das votacións presenciais.

Rematado o período para solicitar o exercicio de voto por correo, e sendo definitivas as persoas electoras que foron autorizadas para exercer o voto por correo, o censo definitivo dividirase en dúas seccións, unha en que figuren as persoas electoras que non solicitaron o voto por correo e outra nun censo especial de voto por correo. En ningún caso poderá figurar unha persoa nas dúas seccións do censo electoral definitivo.

O presente procedemento atopase regulado na normativa publicada na páxina web da SXD <https://deporte.xunta.gal/gl/procesos-electorais-2026>

Normativa reguladora:

- Decreto 16/2018, do 15 de febreiro, polo que se establecen as bases e os criterios para la elaboración dos regulamentos electorais que deben rexer a realización dos procesos electorais nas federacións deportivas galegas (DOG nº 34 do 16 de febreiro de 2018).

- Decreto 171/2021, do 23 de decembro, polo que se modifica o Decreto 16/2018, do 15 de febreiro, polo que se establecen as bases e os criterios para la elaboración dos regulamentos electorais que deben rexer a realización dos procesos electorais nas federacións deportivas galegas (DOG nº 249 do 29 de decembro de 2021).

- Circular 01/2026 - Instrucións do Proceso Electoral 2026